

## ლოგიკური შედეგი

თბილისი, ვ. ი. ლენინის სახელობის „დინამოს“ სტადიონი, 1 მარტი.

„დინამო“ (თბილისი) – „დინამო“ (კიევი) 1:1 (0:1)

თბილისი: გაბელია, კეტაშვილი, ცაავა, მახარაძე, კუდინოვი, ჯოხაძე, მიქაბერიძე, სულაქველიძე, გურული (კაკილაშვილი, 84), გაზაფი, (შენგელია), მესხი.

კიევი: ვიქ. ჩანოვი, ბესონოვი, ბალტიჩი, ო. კუზნეცოვი, დემიანენკო, რაცი, იაკოვენკო (ბალი 81), იარემჩუკი, ზავაროვი (ევტუშენკო 17), ბელანოვი და ბლოხინი.

მსაჯი: ი. სავჩენკო (მოსკოვი)

გოლები: ზავაროვი (51), ი. კუზნეცოვი (საკუთარ კარში, 68)

მზიანი, თბილი დღეები თბილისში მოულოდნელად შეცვალა სუსხიანმა, თოვლიანმა დარმა და ფეხბურთის მოყვარულებს გვარიანად წაუხდინა ხასიათი. ცხადია, არავის უნდოდა საკავშირო ჩემპიონატის პირველი მატჩი თოვლით დატარულ მინდორზე ჩატარებულიყო, მაგრამ „დინამოს“ სტადიონზე მოსულთ სულ სხვა სურათი ელოდა. საფეხბურთო მინდორი სულაც არ ჰგავდა ჰოკეის მოედანს და მწვანედ მობიბინე ბალახი სასიამოვნო სიურპრიზად დახვდა ათასობით მაყურებელს. სტადიონის თანამშრომლებმა დიდი მუშაობა გასწიეს სათამაშო მინდვრის მოსაწესრიგებლად, რუსთაველიდან ჩამოიტანეს სპეციალურად დამზადებული ცელოფენის საფარი, რომელმაც მინდორი თოვლისგან დაიცვა.

ერთი სიტყვით, მატჩის დაწყებისთვის ყველაფერი რიგზე იყო. ერთი კია – უამინდობის გამო აღარ მოხერხდა ჩემპიონატის გახსნისადმი მიძღვნილი დიდი ზეიმის ჩატარება. თუმცა გულშემატკივრისთვის ზეიმი თვით საფეხბურთო სეზონის გახსნა და ყველაზე მეტად მას სწორედ თამაშის მსვლელობა აღელვებდა.

პირველ მატჩს მუდამ განსაკუთრებული ინტერესით ველით ყველანი – გულშემატკივრებიც, სპეციალისტებიც და ჟურნალისტებიც. ფეხბურთს მოწყობილებს, მაინცდამაინც პირველსავე შეხვედრაში გვინდა მივილოთ პასუხი იმ მრავალრიცხოვან შეკითხვებზე, ზამთრის განმავლობაში რომ დაგვიგროვდა. ფეხბურთელებისთვის კი პირველი მატჩი განსაკუთრებით მძიმე ჩასატარებელია. სათამაშო პრაქტიკის უკმარისობის გამო ფსიქოლოგიური ტვირთიც იჩენს თავს. მასპინძლებს საქმეს ისიც ურთულებდა, რომ მათ სხვადასხვა მიზეზით რამდენიმე პირადი მოთამაშე აკლდათ (ვერ გამოვიდნენ ჩივაძე, ჭელია, სვანაძე, არზიანი), კიეველები კი, შეიძლება ითქვას, თითქმის უძლიერესი შემადგენლობით ასპარეზობდნენ.

სტუმართა პირველივე შეტევა სახიფათო გამოდგა: ზავაროვი სწრაფად გაიჭრა მარჯვენა ფლანგზე და თბილისელთა კარისკენ ჩაანოდა ბურთი – მცველებმა იგი კუთხურზე გააგზავნეს, მასპინძელთა საპასუხო იერიშში გაზაფი და მესხი მონაწილეობდნენ. ასეთი დასაწყისის შემდეგ ბრძოლამ მინდვრის შუაგულში



საინტერესო თამაში, რომელიც დათოვლილ მინდორზე მიმდინარეობდა, დამთავრდა თბილისი დინამოელთა გამარჯვებით – 3:0, პირველი ბურთი შესვენებამდე გოგრიჭიანმა გაიტანა 11-მეტრიანი, შესვენების შემდეგ კი ზედიზედ ორჯერ თავი გამოიჩინა მიქაშავიძემ.

თბილისი „დინამოს“ შემადგენლობა: მეშკოვი, ჩიხრაძე (ელიაშვილი), ლაცაბიძე, ელოევი, თევზაძე, კაკილაშვილი (სვიმონიშვილი), ცომაია, გოგრიჭიანი (კუდიაშვილი), მაქაშავიძე, თანცულაია, რევიშვილი.

**ლელო 21.03.1986**